

Samgöngu- og sveitarstjórnarráðuneytið

Sölvhóls götu 7
101 Reykjavík

Reykjavíkurlugvelli, 11. janúar 2021
2101016KSM

Efni: Drög að reglugerð um netöryggisveit (CERT-ÍS)

Eftirfarandi er umsögn Isavia samstæðunnar (hér eftir „félagið“) við drög að reglugerð um netöryggisveit (CERT-ÍS) sem birt var á samráðsgátt stjórnvalda þann 14. desember 2020. Megintilefni heildarendurskoðunar á gildandi reglugerð er nýleg útvíkkun á þjónustuhópi og starfsemi netöryggisveitar með lögum nr. 78/2019, um öryggi net- og upplýsingakerfa mikilvægra innviða.

Félagið fagnar því að haldið er áfram þeirri vinnu að ganga frá framkvæmd laganna sem tóku gildi 1. september sl. Þær almennu athugasemdir sem félagið vill koma á framfæri er að heldur er um tvítekningar í reglugerðinni út frá lögnum, en til einföldunar er heppilegra að hafa þau ákvæði sem eru í lögnum ekki endurtekin í reglugerðinni (sjá t.d. skilgreiningu á atburði og áhættu). Endurtekningar leiða til flækju og meiri vinnu ef til breytinga kemur á lögnum og geta leitt til ósamræmis í orðalagi. Þá teljast tilvísanir í númer laga ekki samræmast lagasetningarhefð þar sem breyta þarf þá orðalagi reglugerðar fá lög ný númer, lagt er til að látið sé nægja að vísa í heiti laga. Þá eykur notkun á skástrikum í lögum (og/eða) líkur á misskilningi við túlkun laga og ætti að forðast að nota slíkan rithátt.

Félagið leggur til að fyrirtækjum og stofnunum sé haldið upplýstum þegar tilkynningar þeirra um atvik og áhættu er miðlað til þriðja aðila, þ. á. m. til eftirlitsstjórnvalda, sjá til dæmis ákvæði 9. og 17. gr. í drögnum.

Þá er mikilvægt að tekið sé á því hvort netöryggisveitinni beri að fara eftir lögum um opinber skjalasöfn vegna persónuupplýsinga sem netöryggisveitin geymir eða þá hvort henni sé heimilt að eyða persónuupplýsingum.

Virðingarfyllt,
f.h. Isavia ohf.

Kolbrún Sara Másdóttir
Lögfræðingur